



Nuuk 29. oktober 2015

Inatsisartut suleriaasianni § 37 naapertorlugu Naalakkersuisunut imaattunik apeqqtissaqarpunga.

1)
Sooq Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmiit septembarimi 2015-mi tusagassiorfinnut tapiissuteqartarnermut itigartitsinermit tunngatillugu inatsisilerituutigit nutaamik oqaaseqaasiornikkut naliliisitsisoqarpa?

2)
Suna patsisiglaugu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmiit Siulittaasup naalakkersuisoqarfiani inatsisilerituutigit nalileereersimaneq qinnutigineqaannangila?

3)
Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmiit § 37 naapertorlugu tusagassiorfinnut tapiissuteqartarnermut tunngatillugu apeqqtinut akissuteqarnermi sooq Siulittaasup naalakkersuisoqarfiani atugassat naliliinerillu pioreersut qinnutigineqaannarsimanginnerannut tupigusuppunga. Taamatut atugassat pioreersut pissarsiareqqaarnagit pisamat tunngasumik oqaaseqartarneq naliginnaasuua?

4)
2014-mi Mediehusip qinnuteqaataanut itigartitsinermit tunngaviusimasumik Siulittaasup Naalakkersuisoqarfiani inatsisilerituutigit oqaaseqaasiamik naliliisummik peqarnera Naalakkersuisuniit ersarissumik uppersarsarneqarsinnaava? Aappiuppat: Qanga naliliissut taanna suliarineqarpa, kia suliakkiissutigivaa, inerniliinerlu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmiit inatsisilerituutigit oqaaseqaasiamut assingua?

Apeqqummut 4-mut akissut naamiuppat:

5)
Inatsisilerituutigit naliliisitsineq Siulittaasup naalakkersuisoqarfianeersoq oqaasiinnartigit pisimava? Taamaassimappallu – pisortani sullissinermit inatsisilerituutigit naliliisitsinerit oqaasiinnartigit pisarnerat naliginnaasuua?
(Inatsisartunut ilaasorta, Naaja H. Nathanielsen)

Tunngavilersuut

2014-imi tusagassiorfinnut tapiissuteqarnermut suliasumik ingerlatsinermit paasissutissanik nutaanik suli apeqqtissaqartitsilersunik takkuttoqartuarpoq. Pisaq 2014-mi aamma 2015-mi § 37 naapertorlugu arlalissuarnik apeqquteqaateqartitsivoq tusagassiutitigullu oqallisigineqarsimalluni.

Maanna Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmiit tusagassiorfinnut tapiissuteqartarnermut 2014-imi qinnuteqaammut itigartitsinermit tunngatillugu septembarimi 2015-mi inatsisilerituutigit oqaaseqaasiortitsisoqarsimasoq paasivarput.

Tamanna tupigivara, tassami Naalackersuisunut ilaasortap, Nivi Olsenip, 23. juni 2015-imi § 37 naapertorlugu apeqquteqaatinnut akissuteqarmat pisami inatsisilerituutigut naliliisitsisoqarsimasoq, taamaattorli avammut saqqummiutissallugu kissaatiginngisaanik. "Illup iluani atugassaasoq" patsisiliunneqarpoq.

Pisamut ataatsimut inatsisilerituutigut naliliisitsinissanik marlunnik pisariaqartitsisoqarsimanera paasiuminaatsippara. Siulittaasummi naalackersuisoqarfianiit pigereerreqartoq qinnutigiin-naraanni naammassagaluarpoq.

Nutaamilli naliliisitsisoqarneranut patsisaasinnaasunik eqqarsalersitsivoq. Nutaanik eqqarsa-lersitsinermiit suliap ingerlanneqarneranut ammanerunissamut piffissanngoraluarpoq.

Apeqqutit ullut suliffiusut qulit iluanni akeqquneqarput.